

主編◎林慶彰 賴明德
劉兆祐 張高評

晚清四部叢刊

第五編

16

章世巨《周易人事疏證二》

主編◎林慶彰 賴明德

劉兆祐 張高評

晚清四部叢刊

第五編

16

常州大學圖書館
藏書章

章世臣《周易人事疏證二》

國家圖書館出版品預行編目 (CIP) 資料

晚清四部叢刊. 第五編 / 林慶彰等主編. -- 初版
-- 臺中市 : 文听閣圖書, 2011.09
冊 ; 公分

ISBN 978-986-85747-6-2 (全套:精裝)

1. 叢書 2. 清代

082

100013141

ISBN 978-986-85747-6-2



《晚清四部叢刊》第五編 (全 120 冊) 16k 精裝

主 編： 林慶彰 賴明德 劉兆祐 張高評
副 主 編： 蔣秋華 邱德修 馮曉庭 王基倫
出版·發行： 文听閣圖書有限公司
地 址： 台中市西屯區(407)逢甲路 225 巷 9 號
電 話： (04)27067357
傳 真： (04)27067028
統 編： 27832175
印 刷： 維中科技有限公司
電 話： (02)26646426
初 版： 2011 年 9 月

ISBN : 9789868574762

定 價：新台幣參拾陸萬元整

目次

周易人事疏證二……………章世臣輯

奇
易
方
集
疏

證
五
已
編
人
卷

宣統庚戌秋月

同文書館排印

周易人事疏證卷叁

望江章世臣輯

泰

彖辭 楊氏萬里曰乾坤開闢之世乎屯蒙洪荒之世乎需養
結繩之世乎訟師阪泉涿鹿之世乎畜履書契禮法之世乎泰
堯舜雍熙之世乎過此以往一治一亂治少亂多泰豈可復哉
薛氏瑄曰余讀泰否二卦因是以念諸葛武侯之言曰親賢臣
遠小人此先漢所以興隆親小人遠賢臣此後漢所以傾頽嗚
呼豈獨漢室也哉歷觀數千載以來國家之治亂興亡未有不
原於此者其言深得大易之旨

周易卷之三
李氏兆賢曰四凶往而元愷來帝世之泰也五鬼往而道類來
後代宋之泰也在世道則吉在正道則亨

陳氏洪冠曰朝多君子則國泰牝不司晨則家泰謝燕朋而交
益友則身泰去人欲而復天理則心泰

象傳 蘇氏轍曰小人不可使在朝廷自古而然矣但當置之
於外每加安存无失其所不至憤恨无聊謀害君子則泰卦之
本意也

王氏應麟曰君子道盛小人自化故舜湯舉皋伊而不仁者遠
周氏禮曰易泰之象曰天地交而萬物通也上下交而其志同
也否之象曰天地不交而萬物不通也上下不交而天下无邦

也是故國之治者由其上情得以下通下情得以上達國之亂者由其上情不能下通下情不能上達耳今言事者得以專達

元延祐七年三月太子卽位

則庶幾无壅蔽之失矣豈不爲當時之盛事哉

吳氏尙默曰易賸曰從古堅冰之戰豈盡姤壯惟君子有必去小人之意至於排擊慕容翻成禍胎此蓋東漢元祐便來黨錮之厄置之於外每加安存无失其所不至憤恨无聊謀害君子則泰卦之本意也內外二字要看得好內非必盡在朝外非必盡在野之謂放開一步便與君子各得其所纔是外字

周氏聖瑞曰東坡云獨安夫泰使君子居中常制其命而小人在野不爲无措然後君子之禍无自而起竊疑此議似有調停

意小人亦有不同若必須流放盡除者何嫌於追逐自謂能制其命而不能制之禍立見古來覆轍如張柬之輩不可勝數皆除惡不盡之明驗也

內君子外小人六字一字一珠要從人主心肺內打透孔明所謂親賢臣遠小人前漢所以興隆視內外二字便覺寬而淺矣魏文靖了翁事宋穆陵進講泰卦嘗曰內君子外小人固爲泰也第在外而心腹是寄不爲外在內而情意不親不爲內一時聞者莫不歎賞公之納納自牖者微矣文靖之語雖佳爲時主說耳於聖經內外字不切

汪氏璣曰按子瞻之論所爲元祐諸賢自取嶺表之毒而紹聖

靖康所由未如之何者也聖人正恐人觀象不真見陰陽各半
遂謂君子小人不可偏廢故特補消長之義以明之正氣足則
邪氣消邪氣消而正氣愈足朱子曰君子之於小人固不當過
爲忿疾然无交和之理

又曰舜湯舉皋陶伊尹不仁者遠小人不敢爲非皆革面而爲
君子矣此消長之至理也惟此義不明故持平之論主而小人
之魂返調停之議出而小人之脉續清臣進而紹述倡揚畏用
而餘孽援宣和靖康之間可勝言哉雖有善者亦无如之何矣
見易曰處泰之時利用交不在於用小人而在於使小人化爲
君子處否之時利用不交不在於攻小人而在使君子不亂小

人之羣是故調停之說宜於泰而不宜於否也

陶氏正靖曰在易之泰取下濟上行以爲功故曰上下交而其志同也所謂志者以知人安民爲心而已人主能推此心於下則尊賢顯能而非徒以禮貌之崇也人臣能達此心於上則靖共匪懈而非以邀知遇之恩也僚采之間孜孜勸勉不敢暇逸亦惟以人主之心爲心故不獨將順爲孚也而匡救亦爲孚不獨推讓爲合也而爭論亦无不合蓋其所以孚且合者一本乎天理之公而非有媿阿比昵之私是以皋夔交贊非无吁咈之詞周召分陝亦有不悅之事非苟爲異同而已

汪氏烜曰王伯厚曰君子道盛小人自化故舜湯舉皋伊而不

仁者遠愚謂此說固是然不可執定此說如堯舜之世未嘗不誅四凶大學亦云唯仁人放流之逆諸四夷不與同中國是則去小人自有去小人之事

陳氏洪冠曰天地之消長天爲之人事之興廢人亦可以持之卽以國家有傳數十世者矣有及身而亡者矣而家亦然或曰天也而豈皆天也假令湯武而桀紂其亦化家而國乎假令祖龍非殘酷其卽覆宗絕祀乎夫天亦視人之自爲何如耳爲之者何迪吉而已矣

大象 曹氏端曰羲和欽若昊天麻象日月星辰至民之析因夷隩鳥獸之孽尾希革毛毳毼毛各以時而得其所遂其生聖

人能盡萬物之性仁心流布和氣充塞可贊助天地造化發育之功易曰后以裁成天地之道輔相天地之宜

汪氏烜曰是故象天而分之爲度歷天而酌之爲時皆所以裁成乎天道也經野而區之以州物土而辨之以壤皆所以裁成乎地道也則天象而陽德陰刑順天時而春耕秋斂斯天之宜得所輔矣倚山川而大都小邑因燥溼而高黍下稔斯地之宜得所輔矣卽推之人物之大日用之微亦莫不皆賴有裁成輔相之功焉

又曰裁成如當暑有絺綌禦寒以裘褐水旱各有所備及藏冰用爨烘火飲湯之類皆是輔相如制恒產以遂民生立學校以

復民性爲之制度品節以盡物宜之類皆是

初九 劉氏向曰賢人在上則引其賢在下則推其類湯用伊尹不仁者遠而衆賢至類相致也

邵氏雍曰昔堯用舜而野无遺賢者其拔茅茹之謂乎

王氏應麟曰惟進賢可以正君故公仲進牛畜欣越而歌者之田止孔明進攸之禕允而宮府之體一惟正已可以格君故管仲有三歸不能諫六嬖之惑魏相因許伯不能遏宏石之惡秦曰拔茅漸曰進以正

張氏時泰曰以宋琪李昉同平章事李穆呂蒙正參政張齊賢王沔僉書樞密觀於此則太宗得人之盛可見矣其泰之初九

乎

又曰拔茅茹以其彙征吉蓋言君子連類而進則吉也今以衆

君子而任言責

歐陽修等知諫院
余正靖爲右正言

其得泰之初九者乎

又曰噫張浚之起趙鼎薦之也李綱之起張浚薦之也羣賢交
進南宋幸焉泰之初九曰拔茅茹以其彙征吉此之謂也

李氏兆賢曰唐太宗時十八學士登瀛洲元宗時張韓姚宋相
繼登朝豈特元愷之並進於帝廷已哉

陳氏洪冠曰尙賢之世朝取一人拔其尤暮取一人拔其尤馴
至草茅登進野无遺賢堯之時二八同升武之時三千同德其
連茹之謂乎

九二 程子曰自古立法制事牽於人情卒不能行者多矣若夫杜奢侈則害於近戚限田產則妨於貴家如此之類既不必斷以大公而必行則是牽於朋比也治秦之不能朋亡則爲之難矣

張子曰中行中立之行也若朋比則未足尙也舜文之大不是過也

折中曰聖賢之心无棄物堯舜之道欲並生非包荒不足以體天地之心而盡君師之道矣然包荒非混而无別之謂故必斷以行之明以周之公以處之然後用舍舉措无不合於中魯論謂寬信敏公者蓋相似也